
SARAY ARTICULO NA PANANISIA

NA SAY SIMBAAN NEN JESU CRISTO NA SARAY SASANTOS ED ARAPEN YA AGEW

- 1 Manisia kami ed Dios, say Andi-angaan ya Ama, tan dia ed Anak To, si Jesu Cristo, tan dia ed Espiritu Santo.
- 2 Manisia kami a saray totoo nadusa lapu ed saray dili a kasalanan da tan aliwa a lapu ed inpankasalanan nen Adan.
- 3 Manisia kami a dia ed panamegley na Bagat nen Cristo a Pamaandi na Kasalanan, amin a totoo so nilaban, dia ed pañgonor na saray gangan tan tutuntonen na Evangelio.
- 4 Manisia kami a saray unaan a principio tan tutuntonen na Evangelio so: unaan, Pananisia ed Katawan Jesu Cristo; komadua, Panbabawi; komatlo, Biniag dia ed pañgipalgep ya onkana ed pamaandi na saray kasalanan; komapat, Pañgitapew na saray lima ya onkana ed pañgiter na palabo na Espiritu Santo.
- 5 Manisia kami a say too so kaukolan a tawagen na Dios, dia ed profesiya, tan dia ed pañgitapew na saray lima na saraman so walaan na pakaoley, a manpulong na Evangelio tan mantalima ed saray tutuntonen ed saya.
- 6 Manisia kami ed saman lamlamang a tugyop a wala ed Immuna a Simbaan, a tatawagen a, saray apostoles, saray profeta, saray pastores, saray managbañgat, saray evangelista, tan arum ni ra.
- 7 Manisia kami ed saray palabo na salita, profesiya, puyan, payawar, panagtambal, pañgipatalus na saray salita, tan arum ni ra.
- 8 Manisia kami a say Biblia so salita na Dios unong no saya so inpatalus a duga; manisia kami met a say Libro nen Mormon so salita na Dios.
- 9 Manisia kami ed amin ya inpuyan na Dios, amin ya ipuyan To natan, tan manisia kami a mañgipuyan ni na dakerakel a makabaliksan tan makana ed beñgatla nipaakar ed Panarian na Dios.
- 10 Manisia kami ed peteg a pantitipon na Israel tan say kipawil na Samplora a Tribo; a say Zion (say Balo a Jerusalem) so iletneg ed maawang a dalin na America; a si Cristo sikato a dili so manoley dia ed dalin; tan, say dalin so napasimbalo tan awaten to so malaparaiso a gloria.
- 11 Kayarianen mi so pankanawnawa a mañgigalang ed Makapanyari a Dios unong ed ibabaga na dili a consciencia mi, tan abuloyan mi so amin a totoo na saman lamlamang a pankanawnawa, a gawaen da so mañgigalang no panon, no iner, odino anto so gawaen da.
- 12 Manisia kami ed katutulok ed so oley na saray ari, saray pañgulo, saray manuoley, tan saray makankanepegan a mañgikurang na oley, ed pañgonor, pañgigalang, tan pitutulong ed gangan.
- 13 Manisia kami ed panmaliw a matua, matuor, malinis, mapañgasi, masimpit, tan dia ed pangawa na maabig ed amin a too; dia ed saya, nayari mi ya ibaga a tutumboken mi so simbawa nen Pablo—Manisia kami ed amin a beñgatla, mailalo kami ed amin a beñgatla, asunduan mi so dakerakel a beñgatla, tan mailalo kami a nasunduan mi so amin a beñgatla. No wala so antokaman a maabig, makaruyo, odino marakep a panañgibaga odino panagdayew, aanapen mi so saraya a beñgatla.

JOSEPH SMITH

